



## SIARAN AKHBAR

### SME CORP. MALAYSIA DAN MIDF BANTU PKS HULU LANGAT TERJEJAS BANJIR UNTUK BANGKIT SEMULA

**Kuala Lumpur, 22 Ogos 2022** –SME Corp. Malaysia, sebuah agensi di bawah Kementerian Pembangunan Usahawan dan Koperasi (KUSKOP), yang bekerjasama dengan MIDF sebagai agensi pelaksana, telah mengagihkan pinjaman di bawah Dana Kecemasan PKS (SMEEF) 2.0 bagi membantu Perusahaan Kecil dan Sederhana (PKS) yang terkesan akibat bencana alam di seluruh negara. Dana ini menyediakan pembiayaan pinjaman modal kerja tanpa faedah serta moratorium selama setahun kepada semua PKS.

Pada 22 Ogos 2022, satu Majlis Penyerahan Dana Kecemasan PKS (SMEEF) 2.0 kepada PKS terjejas banjir di Hulu Langat telah diadakan di Insitut Kemahiran Tinggi Belia Negara Dusun Tua, Hulu Langat.

YB Tan Sri Noh Omar, Menteri KUSKOP, memaklumkan bahawa Program SMEEF di bawah SME Corp. Malaysia sebagai agensi peneraju dan MIDF, iaitu sebagai Agensi pelaksana, adalah khusus bagi membantu perusahaan kecil dan sederhana melalui pinjaman berjumlah RM50,000.00 sehingga RM100,000.00. Dana ini dilihat dapat membantu PKS bangkit semula serta memulihkan kembali perniagaan Keluarga Usahawan yang terkesan oleh bencana banjir secepat mungkin.

Di dalam Majlis yang sama, YBrs. Encik Rizal bin Nainy, Ketua Pegawai Eksekutif SME Corp. Malaysia, menyatakan bahawa sehingga 18 Ogos 2022, program SMEEF 2.0 ini telah menerima sebanyak 1,212 permohonan dari seluruh negara berjumlah RM113,205,000.00 yang telahpun melebihi peruntukan dana sebanyak RM100 juta.

Menurut beliau, khusus bagi Negeri Selangor sahaja, jumlah syarikat yang telah diluluskan permohonan adalah sebanyak 700 syarikat dengan nilai peruntukan sebanyak RM67.61 juta.

Majlis Penyerahan Dana Kecemasan PKS (SMEEF) 2.0 bagi Parlimen Hulu Langat merupakan program ketiga selepas Majlis Penyerahan di Parlimen Kota Raja dan Parlimen Shah Alam.

Tambah Rizal, sebanyak 126 syarikat diluluskan permohonan di bawah Parlimen Hulu Langat dengan nilai sejumlah RM11.78 juta.

Turut hadir pada majlis ini ialah YBhg. Datuk Haji Johan Abdul Aziz, Pengerusi Majlis Pembangunan Usahawan dan Koperasi Parlimen Hulu Langat serta YBr. Encik Azizi Hj Mustafa, Ketua Divisyen Kewangan Pembangunan, MIDF.

- TAMAT -

## **Tentang SME Corp. Malaysia**

SME Corp. Malaysia merupakan sebuah Agensi Penyelaras Pusat di bawah Kementerian Pembangunan Usahawan dan Koperasi (KUSKOP) yang berperanan sebagai pusat pengumpulan dan rujukan setempat bagi maklumat dan khidmat nasihat Perusahaan Kecil dan Sederhana (PKS), penyelaras program pembangunan PKS, penilaian ekonomi serta pengakreditasi PKS, pembangunan perniagaan dan program sokongan, dan juga fasilitasi akses PKS kepada pasaran dalam dan luar negara.

Bermula pada 2 Mei 1996, SME Corp. Malaysia dahulunya dikenali sebagai Perbadanan Pembangunan Industri Kecil dan Sederhana (SMIDEC), bermatlamat membangunkan Industri Kecil dan Sederhana (IKS) Malaysia yang berkeupayaan dan berdaya tahan agar mampu berdaya saing di pasaran global. Pada tahun 2007, SMIDEC telah diberi mandat oleh Majlis Pembangunan PKS Kebangsaan yang dipengerusikan oleh YAB Perdana Menteri untuk menggubal dasar dan strategi menyeluruh bagi PKS dan memacu program PKS merentasi Kementerian dan Agensi. Sehubungan itu, SMIDEC telah dijenamakan semula secara rasmi sebagai SME Corp. Malaysia pada 2 Oktober 2009.

## **PERBADANAN PERUSAHAAN KECIL DAN SEDERHANA MALAYSIA (SME CORP. MALAYSIA)**

Tingkat 6, Blok B, Platinum Sentral  
Jalan Stesen Sentral 2  
Kuala Lumpur Sentral  
50470 Kuala Lumpur  
Tel : 1300-30-6000  
Faks : 603-2775 6001  
E-mail : [info@smecorp.gov.my](mailto:info@smecorp.gov.my)  
Laman web: [www.smecorp.gov.my](http://www.smecorp.gov.my)

### **Pengarah**

**Bahagian Komunikasi Strategik**

**(U.P.: Pn. Raja Rozaila bt Raja Azman)**

**Tel : 03-27756203 atau 016-3322121**

**Email : [rozaila@smecorp.gov.my](mailto:rozaila@smecorp.gov.my)**

## **Tentang MIDF**

Kumpulan MIDF menawarkan perkhidmatan perbankan pelaburan, pembangunan kewangan dan pengurusan aset. Ia menawarkan perkhidmatan kepada para usahawan, syarikat besar dan institusi perniagaan lain.

Malayan Industrial Development Finance Ltd (kini MIDF) ditubuhkan pada 1960 hasil kajian Bank Dunia berhubung kaedah membiayai perindustrian di Tanah Melayu dan selama 61 tahun, kumpulan MIDF telah menjadi sebahagian daripada pembangunan dan pemodenan ekonomi serta pasaran modal di Malaysia.

MIDF adalah anak syarikat penuh milik Permodalan Nasional Berhad.

### **Irmawati Mahamad Tahir**

Timbalan Presiden,  
Komunikasi Strategik Kumpulan  
Ph: (03) 2173 8756  
HP: (012) 492 3707  
E-mel: [irmawati@midf.com.my](mailto:irmawati@midf.com.my)

### **Farrash Hasbollah**

Penolong Timbalan Presiden,  
Komunikasi Strategik Kumpulan  
Ph: (03) 2772 8756  
HP: (019) 661 3535  
Email: [farrash@midf.com.my](mailto:farrash@midf.com.my)